

僧伽經卷第一

使

九龍優擇王國手月婆羅摩

如是我聞一時婆伽婆在王舍城靈鷲山中共摩訶比丘僧二万二千人俱其名曰慈命阿若憍陳如慈命摩訶謨伽略慈命舍利子慈命摩訶迦葉慈命羅睺羅慈命婆俱羅慈命跋陀斯那慈命賢德慈命歡喜德慈命細指慈命須浮帝慈命難陀斯那如是等二万二千人俱共菩提薩埵摩訶薩埵六万二千人俱其名曰祇帝欸菩提薩埵一切勇菩提薩埵童真德菩提薩埵發心童真菩提薩埵童真賢菩提薩埵無滅菩提薩埵文殊師利菩提薩埵普賢菩提薩埵金剛斯那菩提薩埵如是等六万二千人俱復有万二千人其名曰疇阿那天子跋陀天子須跋陀天子希法天子栴檀藏天子栴檀天子如是等万二千人俱復有八千天女其名曰弥隣陀天女端正天女發大意天女歲德天女護世天女有力天女隨善

辟天女如是等八千天女俱復有八千龍王其名曰阿波羅羅龍王伊羅鉢龍王提弥羅龍王君婆娑羅龍王君婆尸利沙龍王須難陀龍王須賒佉龍王伽婆尸利沙龍王如是等八千龍王俱皆向靈鷲山詣世尊所頭面礼足繞佛三匝却住一面

尔時一切勇菩提薩埵摩訶薩埵從座而起偏袒右肩合掌向佛白佛言世尊唯願世尊演說正法利益眾生世尊無量億天眾無量億殊女無量億菩提薩埵無量億聲聞皆悉已集欲聞正法世尊如是大眾皆欲聞法唯願如來應供等正覺為說妙法令長夜安隱斷諸業障尔時世尊讚一切勇菩提薩埵善哉善哉一切勇能為大眾請問如來如是之事汝今諦聽善思念之當為汝說唯然世尊願樂欲聞尔時世尊告一切勇菩提薩埵有法門名密伽陀若此法門在閻浮提有人聞者悉能除滅五逆罪業於阿耨多羅三藐三菩提得不退轉一切勇於汝意云何若人聞此法門

僧伽經卷第一 第二張 使

福德之聚過於一佛福德之聚一切勇白佛言云何世尊佛告一切勇如恒河沙等諸佛如來所有福德若人聞此法門所得福德亦復如是一切勇若人得聞如是法門於阿耨多羅三藐三菩提一切不退轉見一切佛一切得阿耨多羅三藐三菩提惡魔不惱一切善法皆得成就一切勇聞此法者能知生滅尔時一切大眾從座而起偏袒右肩右膝著地合掌向佛白佛言世尊一佛福德有幾量也佛言善男子諦聽一佛功德譬如大海水滴如閻浮提大地微塵如恒河沙等眾生悉作十地菩薩如是一切十地菩薩所有福德不如一佛福德之聚一切勇若人聞此法門福多於此算數譬喻所不能及尔時一切大眾聞是說已踊躍歡喜多增福德時一切勇菩提薩埵白佛言世尊何等眾生渴樂正法尔時世尊告一切勇菩提薩埵摩訶薩埵一切勇有二眾生渴仰於法何等為二者於一切眾生其心平等二者既聞法已等

僧伽經卷第一 第三張 使

為眾說心無怖慙一切勇菩提薩埵
白佛言世尊聞何等法得近菩提一
切勇渴仰聞法得近菩提常信樂聽
受大乘法者得近菩提今時人天諸
龍姝女從座而起白佛言世尊我等
渴法願佛世尊滿我所願今時世尊
即便微笑種種色光從口中出遍照
十方上至梵世還從頂入今時一切
勇菩提薩埵從座而起偏袒右肩右
膝著地白佛言世尊以何因緣如來
現此希有之相今時世尊告一切勇
菩提薩埵於此會中一切眾生當得
阿耨多羅三藐三菩提成就一切如
來境界是故佛笑一切勇菩提薩埵
白佛言世尊何因緣故此會眾生得
阿耨多羅三藐三菩提佛言善哉善
哉一切勇能問如來如是之義一切
勇以願勝故一切勇乃往過去無數
阿僧祇劫有佛世尊名曰寶德如來
應供正遍知明行足善逝世間解無
上士調御丈夫天人師佛世尊一切
勇余時我作摩訶之子此會眾生住
佛智慧者往昔之時患在魔中我時

僧伽藍集第一 第四卷 校

發願如是諸魔我皆令住佛智慧中
時魔聞已尋皆發聲言願得如是一
切勇此會大眾因彼善報當得阿耨
多羅三藐三菩提今時一切勇菩提
薩埵摩訶薩埵白佛言世尊若有眾
生聞此法者壽命幾劫佛言其人壽
命滿八十劫一切勇菩提薩埵白佛
言世尊劫以何量佛言善男子譬如
大城縱廣十二由旬高三由旬威滿
胡麻有長壽人過百歲已取一而去
如是城中胡麻悉盡劫猶不盡一切
勇又如大山縱廣二十五由旬高十
二由旬有長壽人過一百歲以輕縵
帛一往拂之如是山盡劫猶不盡是
名劫量時一切勇菩提薩埵摩訶薩
埵白佛言世尊一發指願尚得如是
福德之聚壽八十劫何況於佛法中
廣修諸行善男子若有聞此法門者
得壽命滿八十劫何況書寫讀誦之
者一切勇若有人以淨信心讀誦此
法門福多於前九十五劫自識宿命
六万劫中為轉輪王於現在世人所
敬重刀不能害毒不能傷蚊蠱不中

僧伽藍集第一 第五卷 校

臨命終時得見九十五億諸佛安慰
之言汝莫怖畏汝在世時聞僧伽
法門九十五億佛各將其人至其世
界一切勇況復有人得具足聞如是
法門今時一切勇菩提薩埵白佛言
世尊我當聽受如是法門得何福德
佛告一切勇如恒河沙諸佛如來所
有福德聞是經者所得福德亦復如
是時一切勇菩提薩埵白佛言世尊
我聽此法心無疲厭佛告一切勇善
哉善哉汝能如是聞法元歇我亦如
是聞法無歇況復凡夫心生歇想一
切勇若有善男子聞此法門生信心
者於千劫中不墮惡道五十劫中不
墮畜生万二千劫不墮愚癡万八千
劫不生邊地二万劫中生處端正二
万五千劫常得出家五万劫中作正
法王六万五千劫修行念死一切勇
彼善男子善女人無少不善惡魔不
得其便不入母胎一切勇聞此法門
者生生之處九十五阿僧祇劫不墮
惡道於八万劫常得聞持十万劫離
於煞生九万九千劫離於妄語一万

僧伽藍集第一 第六卷 校

三千劫離於兩舌一切勇如是法門難值難聞今時一切勇善提薩埵摩訶薩埵從座而起偏袒右肩右膝著地合掌白佛言世尊謗此法者其罪多少佛告一切勇其罪甚多時一切勇善提薩埵白佛言世尊得幾數罪佛告一切勇莫問此事善男子若有於十二恒河沙諸佛如來起於惡心若有謗者罪多於彼一切勇若於大乘起惱心者如彼衆生被燒燒然一切勇善提薩埵白佛言世尊如是衆生云何可救佛告一切勇譬如有刀斷其頭使醫治之塗以石蜜酥油諸藥以用塗之一切勇於汝意云何如是衆生還可活不一切勇白佛不也世尊一切勇又如有人刀害不斷若得良醫治之則差彼人差已知其大苦我今知已更不復作惡不善業一切勇若善男子念布施時亦復如是誰一切惡集諸善法諸善具足譬如死屍父母憂愁啼泣不能救護凡夫之人亦復如是不能自利不能利他無依父母如是如是一切勇彼諸

僧伽吒經卷第一 第五法 使

衆生臨死之時無所依止一切勇無依衆生有二種何等爲二一者作不善業二者誹謗正法如是二人臨死之時無依止處時一切勇善提薩埵白佛言世尊彼謗法者生何道中佛告一切勇謗法之人入大地獄在大叫喚地獄一劫受苦衆合地獄一劫受苦燒然地獄一劫受苦大燒然地獄一劫受苦黑繩地獄一劫受苦阿鼻地獄一劫受苦毛堅地獄一劫受苦瞋瞋地獄一劫受苦一切勇謗法衆生於此八大地獄滿足八劫受大苦惱今時一切勇善提薩埵摩訶薩埵白佛言世尊大苦大苦我不能問今時世尊而說頌曰
何故不能聞此語甚可怖地獄爲大苦衆生受苦痛若造善業者則有樂果報若造不善業則受於苦報生則有死苦憂悲苦所縛凡夫常受苦無有少樂時習慧人爲樂能憶念諸佛信清淨大乘不墮於惡道如是一切勇本業得果報作業時雖少得無邊果報種子時雖少得無量果實植種佛福田能生果實

僧伽吒經卷第一 第五法 使

智者得安樂樂於諸佛法速離於惡道修行諸善法若以一毫物用布施諸佛八十千劫中巨富具財寶隨所受生處常念行布施如是一切勇施佛得福深今時一切勇善提薩埵摩訶薩埵白佛言世尊云何修佛智慧云何聞此法門增長善根佛告一切勇善提薩埵若有人供養六十二億恒河沙諸佛施諸樂具若復聞此法門者所得福德與前正等一切勇善提薩埵白佛言世尊云何善根滿足今時世尊告一切勇善提薩埵摩訶薩埵言功德如佛者當知滿足一切勇白佛言世尊何人功德與如來等佛告一切勇善提薩埵善男子法師善報與如來等一切勇善提薩埵言世尊何等是法師佛告一切勇善提薩埵流通此法門者名爲法師一切勇善提薩埵白佛言世尊聞此法門得何等福書寫讀誦此法門者得幾所福佛告一切勇善提薩埵言善男子於十方面一一方各十二恒河沙諸佛如來一一如來住世說法滿十二劫若

僧伽吒經卷第一 第五法 使

有善男子說此法門功德與上諸如
果等若有善男子書寫此經四十八
恒河沙諸佛如來說其功德不能令
盡況復書寫讀誦受持時一切勇菩
提薩埵問佛言世尊若讀誦者得幾
所福余時世尊說頌答曰

讀誦四句偈得此眾勝福如八十四恒
諸佛所說法讀誦此法門得如是福德
如是諸功德言說不能盡十八億諸佛
住世滿一切十方一切佛常讀大乘法
善說此法門而無有窮盡諸佛難值遇
此法亦如是

余時八十四億天子至於佛所合掌
頂禮白佛言善哉世尊如是法藏願
住闍浮提余時復有十八千億尼捷
子來詣佛所白佛言勝也沙門瞿曇
佛告尼捷如來常勝汝等住顛倒云
何見汝等勝汝無勝也汝等善聽今
為利益汝等為汝等說

凡夫無慧樂何處得有勝不知於正道
云何得有勝我親來生道以甚深佛眼
余時尼捷子於世尊所心生瞋恚余
時帝釋捉金剛杵以手摩之用擬尼

佛如地經卷第一 第十張 使

捷時十八千億諸尼捷子惶怖苦惱
悲泣啼哭如來隱形令其不見余時
諸尼捷子不見如來悲泣頌曰
父母及兄弟無能救濟者見曠野大澤
空無人行路彼處不見水亦不見樹陰
亦不見人眾无伴獨受苦彼受諸苦惱
由不見如來

時諸尼捷從座而起右膝著地出大
聲言如來哀愍願見救濟我等歸依
佛余時世尊即時微笑告一切勇菩
提薩埵摩訶薩埵言善男子汝往外
道尼捷子所為其說法余時一切勇

菩提薩埵摩訶薩埵白佛言世尊辭
如須弥山王小山無能出者如是世
尊於如來前我不能說余時世尊告
一切勇菩提薩埵摩訶薩埵善男子
莫作是說如來有多方便一切勇汝
往觀十方一切世界如來在何處住
於何處所教如來座一切勇於尼捷

所我亦當自說法一切勇白佛言世
尊乘何神力為以自神力去以佛神
力去也佛告一切勇汝以自神力去
還時以佛神力而來余時一切勇菩提

佛如地經卷第一 第十張 使

薩埵摩訶薩埵從座而起偏袒右肩
為佛作禮即沒不現余時世尊為尼
捷說法生苦生惱人生多怖生有病
苦病有老苦老有死苦復有王難賊
難水難火難毒難自作業難時諸外
道心懷恐怖白佛言世尊我等於今
更不忍生余時世尊說此法時十八

千億諸外道等得離塵垢發阿耨多羅
三藐三菩提心自身十八千億住於十
地大菩提薩埵現菩提薩埵種種神
力或作鳥形馬形獅子虎形金翅鳥
形或作須弥山形或作老形或作猞
猊或作華嚴結加趺坐十千億菩提
薩埵在其南面作九千億菩提薩埵
在其北面皆作如是神通變化如來

常在三昧以方便力故為眾生說法
余時如來知一切勇菩提薩埵自用
神力去已七日至華上世界時一切
勇菩提薩埵以佛神力屈伸辟項來
至佛所到已右繞三匝發清淨心合
掌禮佛白佛言世尊我以一神力至
十方諸佛世界見九十九千億諸佛
世界第二神力見百千億諸佛世界

佛如地經卷第一 第十二張 使

至第七日到華上世界亦至不動如
來世界世尊我至彼國見九十二千
億諸佛說法又見八十億千世界八
十億千諸佛即日成阿耨多羅三藐
三菩提我悉供養復過而去世尊我
即日至三十九億百千佛國見三十
九億百千菩提薩埵出家得阿耨多
羅三藐三菩提世尊我悉恭敬禮拜
右繞三匝復過而去世尊又於六十
億世界見六十億佛我悉供養恭敬
禮拜而去世尊我見百億世界百億
如來入般涅槃我亦供養恭敬禮拜
復過而去世尊我見六十五億世界
諸佛正法滅盡我心焦惱而懷悲泣
見天龍夜叉憂惱啼哭如箭入心世
尊彼佛世界劫火所燒大海須弥悉
皆燒盡無有遺餘我亦供養復過而
去乃到花上世界世尊我到彼世界
見數百千億座世尊見彼南面數百
千億座東西北方及上下各數百
千億高座世尊彼一一座七寶成就
一一座上一如來結跏趺坐為衆
說法世尊我既見已生希有心問彼

僧伽吒經卷第一 第十三張 使

世尊此世界者名為何等彼佛如來
即告我言此世界者名曰花上世尊
我札彼佛問其佛言如來世尊名号
何等彼佛答我号蓮花藏於此世界
常作佛事我復問言此世界中無量
如來何者是蓮花藏如來之身彼世
尊曰我當示汝蓮花藏佛今時諸佛
悉隱不現唯見一佛其餘座上悉是
菩薩我時札佛時有一座從地踊出
我於此座結跏趺坐時我坐已有無
量座忽然而出空元人坐我問彼佛
此座何故空無人坐時佛世尊而告
我言善男子不種善根衆生不得在
於此會之中世尊我時問彼如來言
世尊作何善根得在此會時佛告言
諦聽善男子得聞僧伽吒法門者以
是善根得在此會何況書寫讀誦一
切勇汝聞僧伽吒法門故得在此會
無善根人則不能得見此佛國今時
一切勇菩提薩埵摩訶薩埵白彼佛
言世尊得聞此法門者得何福德余
時蓮花藏如來即便微笑世尊我時
作札問彼佛言佛何故笑現希有相

僧伽吒經卷第一 第十四張 使

時蓮花藏如來告一切勇善男子一
切勇菩提薩埵得大勢力譬如轉輪
聖王主四天下於四天下種滿胡麻
善男子如彼胡麻其數多不一切勇
菩提薩埵白世尊言甚多世尊甚多
善逝佛告一切勇有人聚彼胡麻以
作一聚一切勇有人能數知其數不
一切勇菩提薩埵白彼世尊不可數
也善逝世尊時蓮花藏如來告一切
勇菩提薩埵善男子若胡麻等數諸
佛如來說聞經功德不能令盡何況
書寫讀誦一切勇菩提薩埵白佛言
世尊書寫得何等福德告一切勇善
男子譬如三千大千世界一切沙塵
樹葉草木以如此等數轉輪王如是
輪王字可數不一切勇菩提薩埵白
佛言世尊不可數也善逝世尊佛告
一切勇善男子聽此法者如是一切
諸轉輪王所有福德不及此福於此
法門書一字者功德勝彼一切輪王
所有福德如是善男子此法門者攝
於一切大乘正法不得以輪王福德
為喻如是一切勇此法門功德非譬

僧伽吒經卷第一 第十五張 使

喻說如此法門能示法藏滅諸煩惱
然大法炬降諸惡魔照明一切善提
薩埵之舍說一切法令時一切勇善
提薩埵摩訶薩埵白佛言世尊行梵
行者甚為希有何以故世尊如來行
難得佛告一切勇如是善男子梵行
難得若行梵行若晝若夜常見如來
若見如來則見佛國若見佛國則見
法藏臨命終時其心不怖不受胎生
無復憂惱不為愛河之所漂沒令時
世尊復告一切勇善提薩埵摩訶薩
埵善男子如來出世難可值遇一切
勇言如是世尊如是善逝如來出世
難得值遇佛告一切勇善提薩埵摩
訶薩埵言此法難值亦復如是一切
勇若有得聞如是法門經於耳者八
十劫中自識宿命六十劫作轉輪
王八十劫中作天帝釋二十五劫
作淨居天三十八劫作大梵天九
十九劫不墮惡道百劫中不墮
餓鬼二十八劫不墮畜生十三
億百千劫不墮阿修羅中刀劍不傷
二十五劫不生愚癡中七千劫中

具足智慧九千劫中生處端正具足
善色如如來身十五千劫不作女人
十六千劫身無病惱三十五千劫常
具天眼十九千劫不生龍中六千劫
中無瞋恚心七千劫中不生貧賤家
八十千劫主二天下極富貧窮受如
是樂十二千劫不生盲冥十三千劫
不生聾中十一千劫修行忍辱臨命
終時識行將滅不起倒想不生瞋恚
見東方恒河沙等諸佛如來面見南
方二十億佛面見西方二十五恒河
沙諸佛如來面見北方八十恒河沙
等諸佛如來面見上方九十億恒河
沙諸佛世尊面見下方百億恒河沙
等諸佛世尊善男子彼諸世尊安慰
其人善男子汝莫恐怖汝已聽受僧
伽陀法門善男子汝見如是恒河沙
等百千億佛世尊不唯然已見世尊
告曰此諸如來故來見汝是善男子
問言我作何善諸佛見我諸佛告言
善男子汝在人中曾聞僧伽陀法門
是故諸佛故來見汝是善男子白佛
言世尊我曾少聞得如是福况復具

足受持是經彼佛告言善男子莫作
是說聞四句偈所有功德我今說之
善男子譬如十三恒河沙諸佛如來
所有福德聞此法門福德勝彼若有
供養十三恒河沙諸佛如來若有於
此法門聞一四句偈此福德勝彼况
具足聞佛復告一切勇善提薩埵言
善男子若三千大千世界滿中胡麻
以此胡麻數轉輪王若有人布施如
是轉輪王不如布施一須陀洹若施
三千世界一切須陀洹所得福德不
如施一斯陀含若施三千世界諸斯陀
含不如施一阿那含若施三千世界諸
阿那含不如布施一阿羅漢若施三
千世界諸阿羅漢所得福德不如布
施一辟支佛若施三千世界諸辟支
佛所得福德不如施一菩提薩埵若
施三千大千世界菩提薩埵不如於
一如來所起清淨心若於三千大千
世界諸如來所生清淨心不如凡夫
聞此法門功德勝彼何況書寫讀誦
受持一切勇况復有人以清淨心憶
念此經一切勇於意云何頗有凡人

能度大海一切勇言不也世尊佛告一切勇於意云何頗有凡夫以手一揅能竭海一切勇言不也世尊佛告一切勇樂小法者亦復如是不能聽受如是法門一切勇若不曾見十八億恒河沙諸佛如來不能書寫如是法門若不曾見九十億恒河沙諸如來者不能聞此法門若人曾見百千億如來者聞此法門不生誹謗一切勇若有曾見百千億恒河沙如來聞此法門能生淨信起如實想不生誹謗一切勇聽若有書此法門一四句偈彼過九十五億千世界如阿彌陀國彼人佛土亦復如是一切勇彼諸衆生壽命八万四千劫一切勇若菩提薩埵摩訶薩埵於此法門聞四句偈諸衆生設使造五逆罪教人隨喜若能聽受一四句偈所有罪業能令除滅今時世尊復告一切勇菩提薩埵摩訶薩埵言往昔有人破壞塔壞僧動菩提薩埵三昧壞滅佛法殺害父母作已生悔我失今世後世之樂當於惡道一切受苦生大愁憂

僧伽吒經卷第一 第九經 使

受大苦惱一切勇如是之人一切世人所共惡賤作如是言此人失於世間出世間法此衆生於無量劫猶如焦樹不能復生譬如畫堂不以焦柱而作莊嚴此人亦今世後世所生之處人皆輕賤打罵毀辱不施飲食彼受飢渴打罵苦惱自憶念言我造逆罪破壞塔壞僧作是思惟我向何處誰能救我作如是念我當入山自滅其身無人救我今時彼人而說偈言我造不善業猶如焦木柱今世不莊嚴他世亦如是室內不莊嚴在外亦如是惡因造惡業因之入惡道後世受苦痛不知住何處諸天悉聞我悲泣啼哭聲無有救護者必入於地獄自作不善業自受苦痛受我無歸依處必受苦痛受殺父母壞塔我作五逆業我登高山頂自墜令碎滅時諸天告言莫去惡人莫作不善業汝作多不善作已今悔過殺害自身命必受地獄苦尋即墮於地如被憂箭射不以此精進而得成佛道不得苦薩道不得聲聞果更起餘精進汝詣仙聖山往見大聖主頭面礼彼仙

僧伽吒經卷第一 第十經 使

願救苦衆生善作利益我驚怖不安隱仙人聞告言汝坐暫時聽驚怖苦不安當悔衆惡業仙人告言我為施汝食汝可食之愁憂苦惱飢渴恐怖世間無歸我施汝食汝當食之然後我當為汝說法令汝罪業悉得消滅彼食訖已須臾澡手繞仙人已前面距跪仙人問言汝說作惡業答仙人言我殺父母殺父破塔亂菩提薩埵三昧壞滅佛法今時仙人告彼言汝作不善造斯惡業自作教人諸不善業汝當懺悔今時彼人心驚惶怖悲泣而言誰救護我我作惡業必受苦報今時彼人長跪合掌而作是言我作惡業自作教人莫使我得不善之報勿使受苦願大仙人當見救濟我為仙人常作僮僕所作不善願令消滅今時仙人慰喻彼人汝莫惶怖吾當救汝令汝輕報汝今現前聽法汝曾聞僧伽吒法門不白仙人言我未曾聞仙人言火燒之人誰能為其說法唯大悲者乃能說耳

僧伽吒經卷第一 第十一經 使

僧伽吒經卷第一

王寅歲高麗國太歲都監奉
勅雕造

僧伽吒經卷第一 第三葉 後

僧伽吒經卷第二

使

九觀後釋國王手月華音都譯

尔時仙人告彼人言乃往古昔無數
阿僧祇劫時有國王名曰淨月如法
治世善男子時淨月王生一太子時
淨月王召諸占相婆羅門等而問之
言今此童子有何等相尔時相師白
大王言今此太子有不祥相生此太
子必有不祥大王問言汝何所說相
師自言如是太子若至七歲當害父
母王時答言寧當殺我不殺我子人
身難得於無量劫修行乃得人身不
應以此身而殺人物尔時太子始生
一月如一歲兒王知太子當殺我身
時淨月王捨位與子作如是言汝治
國事一切財物自在隨意如法治世
勿為非法既授位已時淨月王於其
國內不復行於王之教令尔時無量
億大目至淨月王所自言大王何故
不行王之教令大王答言我無量劫
常為王事心無厭足我已厭矣捨之
修行尔時太子未經多時並殺父母

集五逆罪善男子我亦憶念往昔之
時既殺王已慈悲啼泣自責悔過尔
時我以大悲之心為彼說法彼聞法
已逆罪消滅問言當於尔時說何等
法答言尔時演說僧伽吒法門若聞
此法當至阿耨多羅三藐三菩提滅
一切罪煩惱休息汝今諦聽當為汝
說入汝聞已速得解脫聞四句偈令
不中閑盡一切惡得須陀洹然後布
施遠離諸苦受苦衆生令得解脫怖
畏衆生令得遠離尔時彼人合掌頂
禮讚言善哉善哉真善知識善能除
滅諸不善業善說僧伽吒法門善哉
聞者尔時虛空中万二千天子至大
仙所合掌頂礼白如是言大仙憶念
幾時事耶復有四龍王十八千億夜
叉王頭面礼敬白大仙言憶念幾時
事耶大仙答言我憶念百千億阿僧
祇劫問大仙言以何善根憶尔許事
答言以曾聽受僧伽吒法門在彼衆
中聞此法門發淨信者皆得授阿耨
多羅三藐三菩提記若人造作五逆
之罪聞此法門須臾之間惡能除滅

無量百千億劫閉惡道門開生天道於此法門聞四句偈功德如是况復書寫讀誦供養華香幡蓋恭敬尊重合掌禮拜一言讚善如是功德不可思議亦時一切勇菩提薩埵白佛言世尊云何合掌得功德等誰讀此經一合掌禮佛告一切勇善男子若人造作五逆之罪若教人作若隨喜作於此法門聞四句偈合掌淨信能滅五逆何况有人於此法門具足書寫讀誦供養如此功德多彼無量善男子群如阿那婆達多池日光不照從彼池中出五大河一切勇於意云何頗有人能數此五大河水湍數不一切勇言不也世尊佛告一切勇菩提薩埵善男子聞此法門善報亦復如是百千萬劫數不可盡一切勇於意云何須臾得聞如是法門是難有不一切勇言難有世尊佛告一切勇於此法門能生信者復難於彼群如阿那婆達多池出五大河如是五河水之湍數數不可盡一切勇菩提薩埵摩訶薩埵白佛言世尊何等名為五

僧伽吒經卷第二 第三 偈

大河也佛告一切勇菩提薩埵五大河者所謂恒伽河私陀河憍叉河耶牟那河月分河是五大河悉皆入海此五大河一河各有五百小河以為眷屬一切勇復有五大河在虛空中一河各有一千小河以為眷屬一切勇菩提薩埵白佛言世尊何等是五河有千眷屬佛告一切勇菩提薩埵第一河者名須陀羅有千眷屬第二河者名曰檀陀有千眷屬第三河者名娑呵帝有千眷屬第四河者名質多斯那有千眷屬第五河者名曰法蓋有千眷屬一切勇是名五大河有千眷屬一切勇是五大河利益閻浮提時時降雨增長華果於閻浮提而清淨水增長苗稼一切勇如護世天安樂閻浮提波提波此經亦亦利益安樂閻浮提波一切眾生如三十三天一切勇菩提薩埵白佛言世尊何等是三十三天佛告一切勇菩提薩埵言擇迦提婆之所住處是三十三天一切勇彼三十三天作如是語若有眾生口行善語者彼人功德不可

僧伽吒經卷第二 第三 偈

數知若有眾生行口惡者彼墮地獄餓鬼畜生不可數知眾生墮於地獄畜生餓鬼受大苦惱時彼眾生無救護者於三惡趣獨受劇苦口行惡者是惡知識口行善語是善知識若見善知識則見如來若見如來則滅一切不善之法一切勇如護世天為閻浮提波而作利益一切勇此經亦是於閻浮提波而作佛事若不聞此法門者不能至阿耨多羅三藐三菩提不能轉法輪不能擊法鼓不能坐於師子法座不能入於涅槃之界不能成就無邊光明如是如是一切勇不聞如是法門不能坐於菩提樹下時一切勇菩提薩埵摩訶薩埵白佛言世尊我有少疑欲問世尊佛告一切勇隨汝所問當斷汝疑一切勇白佛言世尊云何時仙人度彼五逆人令住不退地者是何人也佛告一切勇菩提薩埵善男子汝今諦聽如來所說微細難知此僧伽吒法門亦仙人像如此法門能亦佛身如恒河中慶見沙此法亦亦自作亦現為人說

僧伽吒經卷第二 第三 偈

法唯佛如來量與佛等此法如是與佛平等有此法處常有諸佛令時世尊復告一切勇菩提薩埵善男子我念往昔九十九阿僧祇劫今時有佛名曰寶上如來次第有十二億佛皆寶上我於今時名曰淨月行大布施時十二億如來我悉供養以衣服卧具飲食湯藥香花燈明一切樂具悉以供養彼諸如來不為我授阿耨多羅三藐三菩提記一切勇我念往昔有十八億如來出興於世皆名寶明我於今時名曰龍正行大布施以香花瓔珞供養彼佛彼諸如來亦不授我阿耨多羅三藐三菩提記一切勇我念往昔有二十億佛出興於世皆名式棄如來應供正遍知我於今時行大布施以諸樂具供養彼佛彼諸如來亦不授我阿耨多羅三藐三菩提記一切勇我念往昔有二十億諸佛出興於世皆名迦葉我於今時行大布施以諸香華幡蓋衣服一切樂具供養彼佛彼諸如來亦不授我阿耨多羅三藐三菩提記一切勇我念往昔

增補經卷第二

第六

使

有十六億諸佛出興於世皆名淨光我於今時作大長者子行大布施捨一切物彼十六億諸佛如來我悉供養以香花幡蓋衣服卧具食飲湯藥亦不授我阿耨多羅三藐三菩提記一切勇我念往昔九十五億諸佛如來出興於世皆名釋迦牟尼應供正遍知我於今時作大國王如法治世彼九十五億釋迦如來我悉供養以香花幡蓋飲食衣服卧具湯藥一切樂具亦不授我阿耨多羅三藐三菩提記一切勇我念往昔有九億佛出興於世皆名迦羅迦鳩村陀如來應供正遍知我於今時作婆羅門子巨富無量行一切施以諸香花幡蓋衣服卧具飲食一切樂具供養諸佛彼諸如來亦不授我阿耨多羅三藐三菩提記一切勇我念往昔有十八億如來出興於世皆名迦那伽牟尼如來應供正遍知我於今時行大布施彼諸如來我悉供養以香華幡蓋衣服卧具飲食湯藥一切樂具供養彼諸如來亦不授我阿耨多羅三

增補經卷第二 第二

使

藐三菩提記一切勇我念往昔有十三億諸佛如來出興於世皆名光明德如來應正遍知我悉供養以諸香華幡蓋衣服卧具飲食一切樂具供養尊重彼諸如來亦不授我阿耨多羅三藐三菩提記一切勇我念往昔二十五億諸佛如來出興於世皆名弗沙如來應正遍知我於今時出家作沙門行如法供養以諸香華瓔珞幡蓋衣服卧具飲食一切樂具尊重讚歎彼諸如來亦不授我阿耨多羅三藐三菩提記一切勇我念往昔有十二億諸佛如來出興於世皆名毗婆施如來應正遍知彼諸如來我悉供養以香華幡蓋衣服飲食卧具湯藥一切樂具悉以供養我時出家彼諸如來亦不授我阿耨多羅三藐三菩提記軍後毗婆施如來說此法門闍浮提衆生聞已於虛空中即雨七寶余時闍浮提衆生悉無貧窮我於今時亦不得授阿耨多羅三藐三菩提記但聞空聲而告我言汝不久當得受阿耨多羅三藐三菩提記一切

增補經卷第二 第六

使

勇菩提薩埵白佛言世尊經於幾時得授阿耨多羅三藐三菩提記佛告一切勇菩提薩埵言諦聽善男子過九十二億阿僧祇劫有佛出世号然燈如來應正遍知我於今特作摩那婆子名曰彌伽_{彌伽者於然燈佛所作摩那婆修清淨行我見彼佛以七莖青蓮花供養然燈如來以此善根迴向阿耨多羅三藐三菩提今時然燈如來即授我記摩那婆未來過阿僧祇劫當得作佛号釋迦牟尼如來應正遍知一切勇我於今時聞授記聲踊身虛空高十二多羅住虛空中得無生法忍無量阿僧祇劫所修淨行與六波羅蜜相應一切善根悉皆現前如親掌中菴摩羅果一切勇我於今時令無量百千億衆生住於善法一切勇况今我成阿耨多羅三藐三菩提利益衆生我觀衆生以何應度隨其方便為其說法若為諸天現作天身而為說法若在龍宮亦作龍身而為說法於夜叉中亦夜叉身而為說法於餓鬼中作餓鬼身而為說法}

僧伽吒經卷第二 第十條 使

若為人道亦作人身而為說法應以佛身而受化者亦作佛身而為說法應以菩提薩埵身而受化者亦菩提薩埵身為之說法我觀衆生以何應度如是如是為衆生現隨應說法一切勇我為衆生演說諸法有多方便何以故一切勇具足善根衆生得聞此法一切善根悉得增長慳者布施無福德者修行福德自利利他修於念死彼聞法故作此善根以聽法故過去善根亦得增明彼得長夜利益安樂一切天人一切勇如是法門一經於耳得生無量功德一切勇今時衆生各相謂言更有餘善法修行得阿耨多羅三藐三菩提不善衆生言有法布施修行口說善語如是等法得善果報至無上道惡趣之人作如是言無法無施元善惡果無口善報彼愚癡人得大罪報展轉墮於惡道之中於八大劫墮於地獄受大苦報十六劫中墮阿修羅九千劫中生墮鬼神十二劫墮餓鬼中受餓鬼苦萬四千劫生處瘡痂萬六千劫母胎

僧伽吒經卷第二 第十條 使

腸墮萬二千劫生作肉搏萬一千劫生處目盲彼諸父母作如是言我所生子虛受勤苦九月護胎飢渴寒熱諸苦具受而不得子報恩之力一切勇如是如是謗法衆生墮於地獄畜生餓鬼臨命終時為憂惱箭射而去一切勇口善語者作如是言有法有施有善惡業果報彼人以此善根因緣二十五劫生鬱單曰二十五劫生三十三天受諸天樂從天命終生鬱單曰不入母胎目見百千世界悉名安樂見一切國土諸佛不移本處成三菩提一切勇如此法門有大神力能發清淨信心不生邊地具清淨戒一切勇復有衆生作如是言如來晝夜度諸衆生而衆生界猶不盡耶無量衆生願於菩提無量衆生住於天上無量衆生入般涅槃何因緣故而不盡耶時諸外道婆羅門等作如是語我當問難沙門瞿曇如是之義今時有九十四億諸外道婆羅門等來詣王舍城今時世尊默然微笑今時諸帝諸菩提薩埵_{諸帝諸者從座而起頂}

僧伽吒經卷第二 第十條 使

禮佛足向佛合掌白佛言世尊何因緣故如來微笑若無因緣如來終不現希有事願世尊說何故現笑佛告彌帝緣菩提薩埵善男子汝今諦聽當為汝說彌帝緣今日王舍城必有大眾集會彌帝緣菩提薩埵自佛言世尊何眾集會為天龍夜叉若人非人佛告彌帝緣菩提薩埵善男子此諸天龍夜叉等悉來集會復有八万四千諸婆羅門九千億諸居士軋子來欲談論我悉降伏諸婆羅門為其說法皆發阿耨多羅三藐三菩提心九千億居士皆得須臾多波帝觀音万八千億龍王悉來集會聞我說法悉發阿耨多羅三藐三菩提心六万億淨居天子亦來集會復有三万億惡魔及其眷屬亦來集會有万二千阿修羅王悉來集會五百大王及諸眷屬悉來集會聽我說法既聞法已皆發阿耨多羅三藐三菩提心爾時彌帝緣菩提薩埵從坐而起頂禮佛足右繞三匝即沒不現尔時一切勇菩提薩埵摩訶薩埵從坐而起徧相右

僧伽經卷第二 第十卷 後

肩右膝着地向佛合掌白佛言世尊彼五百國王名字何等佛告一切勇諦聽善男子一名歡喜王二名善歡喜王三名憂波難陀王四名勝踊王五名梵將軍王六名梵響王七名善見王八名善歡喜王九名歡喜將軍王十名歡喜正王十一名頻婆娑羅王十二名波斯那王十三名增長王如是等有五百大王一大王有千億眷屬皆發阿耨多羅三藐三菩提心唯除增長王從於東方有三万億菩提薩埵俱來集會從於南方有五万億菩提薩埵俱來集會從於西方有六万億菩提薩埵俱來集會從於北方有八万億菩提薩埵俱來集會從於下方有九万億菩提薩埵俱來集會從於上方有百千億菩提薩埵俱來集會彼諸菩提薩埵悉住十地一切皆詣王舍大城至如來所於阿耨多羅三藐三菩提得不退轉尔時世尊告一切勇菩提薩埵摩訶薩埵言善男子汝詣十方諸佛世界告諸菩提薩埵今日如來於王舍城

僧伽經卷第二 第十卷 後

演說大法汝等十方菩提薩埵合掌恭敬汝於須臾速還及此眾會聽法尔時一切勇菩提薩埵從座而起頂禮佛足繞佛三匝忽然不現時一切勇菩提薩埵到十方國告諸菩提薩埵言曰今日如來於王舍城演說大法汝等今者應讚善哉令汝永得安樂利益尔時一切勇菩提薩埵到十方國供養諸佛告諸菩提薩埵言已還歸此土譬如壯士屈申臂頃至王舍城住如來前時一切婆羅門諸外道悉已集會天龍夜叉阿修羅人非人等皆悉集會五百大王及其眷屬亦來集會三万億惡魔及諸眷屬亦來集會尔時王舍城地大震動時十方諸佛世界雨栴檀末香雨天妙華雨如來上成大華蓋金剛力士執金剛杵在如來前尔時四方有四風王入王舍城悉吹城內糞穢土沙遠置城外尔時十方世界雨眾香水十方世界雨優鉢羅華拘物頭華分陀利華在虛空中化成華蓋於虛空中有八万四千億師子之座七寶所成一

僧伽經卷第二 第十卷 後

切座上皆有如來宣說妙法。尔時三千世界六種震動。時一切勇善提薩摩訶薩。白佛言。世尊。何因緣故。於王舍城現布有事。佛告一切勇善提薩。善男子。汝今善聽。辟如有人。吾我自高家居貧窮。日至王門。既到王門。自高直入。時守門者。尋捉打縛。王間有人直入王門。王作是念。此人直入。必欲相害。時王瞋恚。勅諸臣言。汝將此人。斫其命根。并其父母兄弟姊妹。其人眷屬。皆悉憂悲。泣啼。如來說法。亦復如是。吾我自高。喻諸凡夫。得見佛身耳。聞說法。自生高慢。說種種語。住吾我地。自不聽受。亦不說法。若人說法。一偈一喻。亦不聽受。作如是言。如此之法。我已先知。何以故。住我心。地或恃多聞。自從放逸。與愚癡人共住。不聞正法。自以多聞放逸。不如法說。自作手筆。而自說之一切世人。欺誑自身。作如是言。有財施我。我是福田。彼愚癡人。自誑其身。亦誑世間。食他信施。不能消故。命欲終時。生大恐怖。諸人告言。汝足伎術。何

僧伽吒經卷第二 第十六 使

不自救。答言。今日伎術。不能自救。憂悲苦惱。眾人語言。為一人故。父母兄弟。親里眷屬。無事誅戮。眾生如是。近惡知識。墮於地獄。畜生餓鬼。如是如是。諸婆羅門。諸居士。捷子。我今告汝。汝莫放逸。辟如鳥子。未生羽翼。不能高翔。飛於虛空。汝等如是。無有神力。不能飛至涅槃之界。所以者何。汝所行法。非畢竟道。終歸破壞。汝等臨終。自生悔心。我等虛受如是。身命修行。不得天樂。不受人樂。不得涅槃。我等此身。便為虛過。我當生何道。受何等身。尔時世尊。告諸婆羅門。居士。諸外道。言。閻浮提中。滿中珍寶。汝等莫失。所望於佛法寶中。莫作異學。汝等所疑。恣問如來。佛當為汝分別說之。尔時一切婆羅門。居士。等從座而起。偏袒右肩。右膝著地。合掌禮佛。白佛言。世尊。如來晝夜多度。生死眾生。眾生界不減。不增。世尊。何因緣故。眾生等。而是生滅。尔時樂上菩提薩埵摩訶薩。白佛言。世尊。當來世。無小眾生。無

僧伽吒經卷第二 第十六 使

老眾生。作生滅者。佛告樂上眾生。有至作小。如是生滅。善男子。如人沐浴者。新衣服。從舍而出。餘人語言。善沐浴者。故洗衣。善沐浴。頭髮衣服。非妙如是。如是樂上眾生。老者。於閻浮提。以為非妙。少者。雖妙。現有生滅。尔時一切婆羅門。諸外道。居士。白佛言。世尊。何等名老。何者。為小。佛告諸外道。所言老者。數數往來。餓鬼畜生地獄之中。受苦無歇。尔時一切諸婆羅門。天龍大王。白佛言。世尊。我等更不能受生死苦惱。彼諸居士。作如是言。無小眾生。尔時樂上菩提薩埵。白佛言。世尊。觀此眾生。如是難度。佛告樂上菩提薩埵。如來今日。分別解說。汝善諦聽。有九万四千億新學眾生。在如來前。不礼如來。亦不問訊。尔時樂上菩提薩埵。白佛言。世尊。何因緣故。此諸眾生。不礼如來。亦不問訊。請決所疑。佛告樂上菩提薩埵。善男子。汝今諦聽。當為汝說。善男子。若作是說。無小眾生。如是之人。是小眾生。彼人問言。

僧伽吒經卷第二 第十六 使

我等諸人是小眾生世尊我等是小
 衆生佛言如是如是汝等是小衆生
 以不能知自身量故今時九万四千
 億新學衆生皆得十地住於虛空今
 時藥上菩提薩埵摩訶薩埵白佛言
 世尊此諸衆生快得善利得盡生死
 世尊此諸衆生離於生死得住十地
 今時一切婆羅門諸外道居士諸
 龍國王惡魔眷屬來到佛所白佛言
 世尊我等詣佛聽此法門願我等輩
 皆得如來妙色之身形色像貌願如
 如來應正遍知佛言如是如是善男
 子汝等來詣佛所聽此法門發阿耨
 多羅三藐三菩提心汝等不久當得
 阿耨多羅三藐三菩提今時如來說
 此語已諸外道居士等皆得元生
 法忍住於十地時諸菩提薩埵以自
 神通踊在空中高七多羅於虛空中
 化成七寶臺奉施如來在於虛空中
 作種種神通而自變化今時諸天於
 虛空中當如來上雨衆妙花念佛如
 來於其自身起佛身想無量百千諸
 天子以華散佛作如是言得大利益

增補經卷第二 第九

沙門瞿曇真是世間大良福田具足
 三昧自在之力如是等衆生漸具方
 便說一善語得離生死今時藥上菩
 提薩埵摩訶薩埵從座而起偏袒右
 肩右膝著地合掌白佛言世尊此諸
 天子何因緣故作如是語現諸神通
 善讚如來佛告藥上菩提薩埵言善
 男子彼諸菩薩不讚歎我自讚其身
 以其自身坐法王位以其自身坐於
 法座以其自身放法光明諸佛所護
 於阿耨多羅三藐三菩提正覺說法
 今時藥上菩提薩埵摩訶薩埵白佛
 言世尊大德世尊日夜常度無量衆
 生然諸衆生猶不可盡今時世尊告
 藥上菩提薩埵摩訶薩埵言善哉善
 哉善男子能以此義問於如來善男
 子譬如有人大富饒財多有奴婢多
 有田宅園林穀米大小麥豆稻秫胡
 麻彼於春時一切種植至時則熟熟
 復收穫各各別盛盛已食之至於春
 時種之如前善男子衆生本業亦復
 如是受樂報盡復作善業種種善根
 種善根已增長善法增善法已得大

增補經卷第二 第九

歡喜藥上以歡喜心於百億劫樂報
 不失善男子如初發意菩提薩埵不
 墮惡道知諸法藥上菩提薩埵白
 佛言世尊云何初發意菩提薩埵而
 見夢也佛告藥上菩提薩埵言善男
 子初發意菩提薩埵於其夢中多見
 怖畏何以故淨一切業不可以身而
 受衆苦以是罪故夢見怖畏藥上白
 佛言世尊初發心菩提薩埵夢中見
 何等怖佛告藥上菩提薩埵善男子
 其人夢見熾然火聚彼菩提薩埵應
 作是念以此火聚燒我一切煩惱藥
 上是名第一夢見怖畏又見水流垢
 濁不淨彼初發心菩提薩埵應作是
 念漂我一切結縛煩惱藥上是名初
 發心菩提薩埵第二夢見大怖畏也
 藥上菩提薩埵白佛言世尊見何怖
 畏佛告藥上菩提薩埵言於其夢中
 自見剝駭藥上菩提薩埵見已不應
 恐怖何以故應作是念剝食瞋癡墮
 六道生善男子如是菩提薩埵不墮
 地獄不墮畜生不墮餓鬼不墮龍中
 不墮天中藥上初發心菩提薩埵唯

增補經卷第二 第十

生清淨佛國土中佛告藥上當來末世後五百歲有諸菩提薩埵心願菩提以發心故得衆多人毀辱打罵藥上於彼但應為其說法菩提薩埵不應起於瞋恚之心佛告藥上我於無量百千億劫行諸苦行善男子我不為資生國土財產為知諸法寶相故藥上我行苦行不得阿耨多羅三藐三菩提善男子我聞此法即日得阿耨多羅三藐三菩提藥上此法甚深如是法門難得聞名若得聞此法門名者一切得阿耨多羅三藐三菩提藥上是人得起千劫生死生淨佛國善知滅道知第一道識第一善根成就無比神通知無比滅藥上於汝意云何云何名滅藥上菩提薩埵白佛言世尊法處名滅佛言藥上何等法處藥上白佛言世尊法是法處如世尊說勤行精進勤持戒勤忍辱是名法藏佛讀藥上菩提薩埵言善哉善哉善男子佛問此義汝善解說

勅雕造

王寅歲高麗國大藏都監奉
僧伽吒經卷第三 第三分 供

僧伽吒經卷第三

九龍優摩屋國王月夢言都譯

侍

今時藥上菩提薩埵摩訶薩埵白佛言世尊何因緣故如來出世佛告藥上菩提薩埵言善男子為令衆生多聞具足是故如來出現於世如來出世開甘露法若如來出世則知一切法以方便故知世間法出世間法知世間智出世間智藥上菩提薩埵白佛言世尊世尊知何等法佛告藥上菩提薩埵言藥上如來知正法智藥上以是智故悉攝一切法藥上若衆生聞如來出世信法者此是第一利益藥上譬如有入出行治生為得利故將千人衆擄負金寶彼人父母告其入言子善諦聽此金寶者是他之物汝好守護莫使亡失其人持寶未經多時自縱放逸所持金寶悉皆散失是時彼人憂箭射心著愧慚耻不能歸家時彼父母聞已憂愁悲泣而說此言我等生此惡子但有子名生我家內財物悉皆散失令我等貧苦為

他奴僕絕望而死子聞父母既喪亡已亦絕望死如是如是藥上佛說此法於我法中無淨信者彼無所望臨命終時為憂惱箭射心而死如彼父母為彼金寶絕望憂惱如是藥上於我法中無淨心者臨命終時受諸苦痛先福受盡彼不種善臨死時至憂惱箭射墮於地獄畜生餓鬼受諸苦痛作如是言誰救濟我令我得離地獄畜生餓鬼之苦又如父母告其子言未來病苦病有死苦汝等得解脫時見行識生身受苦痛遍體焦惱自觀已死眼不見色耳不聞聲四支皆痛必歸於死遍體頑癢猶如木石無所覺知子答父母語言莫作是語令我怖畏觀身無熱亦無餘病唯見死怖我當歸誰誰救濟我父母若天誰能救拔父母答言祭祀天神必得安隱子答父母當速祭祀以求安樂速至天祠問守廟人時彼父母到天祠中燒香求願守廟者言天神瞋怒須煞羊煞人用以祭祀汝子可脫今時父母自思惟言我等云何我既貧窮若天

僧伽吒經卷第三 第二分 供

神瞋我子必死若天神喜必得大恩時速歸家盡賣家財得羊一口復語餘人且貸我金十日相還若無相還我身當為君作奴僕其人得金詣市買人所買之人不知當然以祭天祠病人父母愚癡無智竟不至家直詣天祠詣守廟者汝速為我設祭天祠余時父母自煞羊煞人煞火祭天然後天下告彼父母汝等莫怖我護汝子令得安隱余時父母踊躍歡喜作如是言天神與我大恩令我子差時彼父母歡喜還家見兒已死余時父母見子死已生大愁惱憂箭射心絕望而死佛告藥上善男子近惡知識亦復如是余時藥上善提薩白佛言世尊如是衆生墮於何處佛告藥上善提薩善男子莫問是事藥上善提薩白佛言世尊願佛慈悲說如是人墮在何處佛告藥上善提薩善男子汝今諦聽其人母者墮於大叫地獄之中其父墮於衆合地獄其子墮於火燒然地獄守天廟者墮於阿鼻大地獄中余時藥上善提

僧伽地持卷第三 第五

薩摩訶薩白佛言世尊彼枉死人生於何處佛告藥上善提薩善男子彼枉死人生於三十三天之上藥上善提薩白佛言世尊彼枉死人何因緣故生於三十三天之上佛告藥上善提薩善男子汝今諦聽彼人臨死時起一念淨心歸依佛陀以此善根當六十劫受於三十三天之樂八十劫中自識宿命所生之處離諸憂惱生生之處離諸憂惱一切苦滅藥上近惡知識不得入於涅槃藥上善提薩白佛言世尊云何衆生不能入於涅槃佛告藥上善提薩善男子欲求涅槃者當勤精進藥上善提薩白佛言世尊云何名精進佛告藥上善提薩善男子精進者名須臾多波帝逆流之果名精進慶波吉利陀伽弥果名精進慶阿都伽弥果名精進慶阿羅訶果名精進慶波羅提迦佛陀果名精進慶緣覺之智名精進慶善提薩善男子字善提薩地果名精進慶藥上如是等處名精進慶藥上善提薩白佛言世尊世尊

僧伽地持卷第三 第五

云何逆流云何逆流果佛告藥上善提薩善男子譬如有人種於樹木彼種樹已即日生芽彼樹一日上下各生長一由旬復有一人亦復種樹不得其所風動不生移置異處二人共諍不相諍諍彼人如是共相諍論國王聞之即勅臣言某處二人不相諍諍速往喚來傍目受教遣使往捉時彼使人微服而去至彼人所作如是言王美汝等時彼二人驚怖憂愁王今何故令我二人是時二人既至王所默然而立時王問言汝等何故共相諍諍而起鬭諍時彼二人白大王言大王聽我所說我借得少許空閑之處種植樹林即日生芽及葉華果熟者中半此人種植不生芽葉及以華果須臾數移彼種不生來見謗毀而起鬭諍大王如是之事大王應知我無罪過今時大王集諸大目滿三十億告諸目言汝等各說諸目自言我等不知說何等語王問諸目汝等頗見即日種樹即生芽葉及以華果熟者中半余時諸目從座而起白

僧伽地持卷第三 第五

大王言大王我等不能決定信受如此之言何以故大王此事希有尔時大王問彼人言如汝所說是事實不尔時彼人自大王言此實不謬王復答言如汝所說如此之事即日種樹即生芽葉及以華果此事難信尔時彼人自大王言願王自植知其虛實時王集三十億目禁守彼人然後大王自種其樹不生芽葉不生華果尔時大王心大恚怒勅諸目言汝等速取利斧彼所種樹仰令斫伐尔時諸目受王教令斫斷彼樹一樹斫已生十二樹斫十二樹斫生二十四樹斫華果皆是七寶尔時二十四樹斫生二十四億難鳥皆是金寶七寶羽翼尔時大王復生瞋怒自執利斧往伐彼樹王斫樹時從樹出生甘泉美水時王慚愧勅諸目言放彼二人諸目自言大王受教諸目去已放彼二人將至王所王問其人汝種此樹斫汝一樹生十二樹斫十二樹生二十四樹我所種樹不生芽葉不生華果此事云何其人答王如我此福德大

僧伽吒經卷第三 第六偈 後

王則無如是福德尔時三十億大目胡跪白其人言汝可治國而居王位尔時其人為諸目眾而說偈言我不求王位不求世財實心懷無上願願成足尊得寂滅涅槃至彼成如來為汝等說法今到涅槃城往昔作不善令我入王獄獄縛受諸苦罪報悉已盡尔時有三万三千高座一一高座高二十五由旬一高座上有二十五億難而在其上以金為寶七寶羽翼出人音聲告彼王言大王不善不善斫伐諸樹以此罪業必入惡道王不知耶種此樹者是何等人大王答言我未審之願為我說何等大人種此樹耶難鳥告王如此人者照明世間名無上士當度一切眾生老病死王復問言彼是何人種樹不生彼作何等不善之業不生當為我說鳥答王言彼是提婆達多種種樹不生無少善根樹云何生尔時三十億大目聞此法門皆得十地成就神通時彼國王亦得十地得通達一切善法三昧尔時藥上菩提薩埵摩訶薩埵白佛言世

僧伽吒經卷第三 第六偈 後

尊何因緣故此三十億目皆得十地成就神通尔時世尊告藥上菩提薩埵善男子汝今諦聽即時微笑從其面門放八万四千光明無量種種青黃赤白紅紫光明其光遍照無量世界照世界已還至佛所繞佛三匝從佛頂入尔時藥上菩提薩埵摩訶薩埵白佛言世尊何因緣故如來現此希有之相若無因緣如來終不現希有事佛告藥上菩提薩埵言善男子汝見眾人從十方來集會此不藥上菩提薩埵白言不見也世尊佛告藥上菩提薩埵言善男子汝觀十方一切世界尔時藥上菩提薩埵摩訶薩埵即觀十方見東方有一大樹覆七千由旬見二万五千億眾生在彼集會默然而坐不飲不食復見南方有一大樹覆七千由旬下有二万五千億眾生俱共集會不語不食不行默然而住復見西方有一大樹覆七千由旬下有二万五千億眾生在彼共集會不語不食不行默然而住復見北方

僧伽吒經卷第三 第八偈 後

有一大樹覆七千由旬下有二萬五千億衆生俱共集會不語不食不行默然而住復見上方有一大樹覆七千由旬下有二萬五千億衆生俱共集會不語不食不行默然而住復見下方有一大樹覆七千由旬下有二萬五千億衆生俱共集會不語不食不行默然而住今時藥上菩提薩埵白佛言世尊我欲少問如來應正遍知若佛聽許乃敢發問今時世尊告藥上菩提薩埵言善男子隨汝所問如來志能為汝解說今時藥上菩提薩埵白佛言世尊何因緣故從於十方有無量衆生而來集會以誰神力而來至此佛告藥上菩提薩埵言自以神力而來至此今時藥上菩提薩埵白佛言世尊我欲觀諸世界以誰神力而往至彼佛告藥上菩提薩埵以汝神力自往至彼

今時藥上菩提薩埵遙佛三匝忽然不現過九十六億世界有一世界名日月明彼國有佛号日月土如來應供正遍知與八萬億菩提薩埵恭敬

僧伽陀經卷第三 第九經 佛

圓遶而為說法藥上菩提薩埵摩訶薩埵既到彼國至日月土如來前頂禮佛足白佛言世尊何因緣故於娑婆世界在釋迦牟尼前觀於十方見無量衆生集會在此不見今時藥上菩提薩埵摩訶薩埵至日月土如來前白佛言世尊我過九十六億諸佛國土來至於此不見一人世尊誰見誰聞無知無覺樹上而生衆生佛告藥上菩提薩埵言不也善男子汝頗見頗聞無知無覺之樹能生人不藥上白佛言世尊不見不知佛告藥上菩提薩埵汝欲見不我今亦汝藥上白佛言世尊願欲見之今時日月土如來屈申臂頃百千億衆皆悉來集一一衆生手執香華供養如來藥上汝今見不藥上菩提薩埵白佛言已見世尊已見善逝佛告藥上善男子此諸衆生無覺無知悉皆如幻時彼三萬億衆生各申兩手以諸香華供養如來藥上菩提薩埵白佛言世尊此事希有須臾之間此諸衆生各生百手供養如來尚不得脫况兩手者

僧伽陀經卷第三 第十經 佛

佛告藥上菩提薩埵言如是如是善男子此諸衆生無覺無知而生而滅善男子我身亦如是如幻如化而亦生滅藥上白佛言世尊何等是少衆生何者是老衆生佛告藥上善男子亦有老者亦有少者藥上白佛言世尊願佛解說何者是也佛告藥上無福衰者是老衆生從彼樹生者是少衆生藥上白佛言世尊我欲見彼少衆生等今時日月土如來即伸右臂從於四方有百千億衆生俱來集會至如來所頂禮佛足遶佛三匝在佛前立默然而住藥上白佛言世尊此衆生何故佛前默然而住佛告藥上善男子汝不知耶地大之性無言無說法衆無知無覺何以故藥上此諸少衆生不見生不見滅不見老病死憂悲苦惱具受一切苦痛之惱云何而語是故藥上如是衆生應當教之今時藥上菩提薩埵摩訶薩埵白佛言世尊少衆生者從何所來何處終當生何處不知法者佛告藥上善男子汝今諦聽此諸衆生非是人作非

僧伽陀經卷第三 第十二經 佛

金師作非鐵師作非木師作非陶師作非王者作男女和合惡業而生受諸苦痛作不善行受如是苦名少衆生藥上彼不與佛言不礼如來彼受無量無邊之苦藥上有少衆生不共佛語者受如是無量無邊苦惱藥上以不善知苦因緣故不共佛語不共佛語故不知善不知惡不知生雖得人身不知生不知滅藥上是名年少衆生藥上菩提薩埵白佛言世尊年少衆生云何生云何滅佛告藥上菩提薩埵言善男子譬如有以木挑火木則漸燒如是藥上衆生之類初生時苦中苦死苦藥上白佛言世尊生時誰生滅時誰滅佛告藥上善男子如佛之生如佛之滅譬如有人閉在閻室眼無所見復有異人曾受苦惱作是思惟此人受苦甚為可惡若不得脫是人必死以火與之令得少明時閻室人見火歡喜心得安樂尔時彼火以少因緣熾然火焰燒彼閻室尔時彼人被燒而死時王聞之作如是念我國衆生若有所犯更不繫縛

僧伽吒經卷第三 第三法 但

尔時國王告下人民汝等諸人莫生怖畏於我國內施汝無畏若有所犯不加害汝亦不煞汝皆當安隱莫生怖畏藥上如來亦復如是燒諸煩惱滅諸病苦猶如彼人為令閻室衆生安隱自燒而死如來如是為諸衆生令得安隱不惜身命拔諸繫縛令得解脫如是藥上如來永離三毒之惱為諸世間作大燈明於地獄畜生餓鬼阿修羅老少衆生拔令解脫尔時請天於虛空中而說偈言
家勝好福田 一切田中勝 世間無上尊
增長諸佛子 佛田家勝田 能除諸怖畏
大師善方便 守護諸衆生 住於涅槃界
而亦在世間 令世間寂滅 佛為無上師
救護少衆生 亦救老衆生 三界諸衆生
方便而度之 閉諸地獄門 及畜生餓鬼
此世得安樂 他世亦安樂
尔時如來即時微笑而說偈言
善哉見善人 善哉見佛陀 善哉聞法者
善哉能敬僧 善哉此法門 滅除一切忌
尔時藥上菩提薩埵摩訶薩埵白佛言世尊何因緣故如來微笑若無因

僧伽吒經卷第三 第三法 但

緣如來終不現希有相佛告藥上善男子汝見此等少衆生不藥上白佛言世尊唯然已見佛告藥上善男子此諸衆生今日皆得住於十地尔時藥上菩提薩埵摩訶薩埵踊身虛空高八万由旬共八万億天子於如來上散衆妙花地上年少諸衆生等皆礼佛足尔時藥上於虛空中而作是言三千大千世界衆生皆聞此聲地獄衆生聞此聲者悉得解脫三十三天聞此音聲皆來集會時三千大千世界六種震動時大海中八万四千龍王動而來集三万億閻浮提夜叉俱來集會二万五千億羅刹餓鬼俱來集會時如來所大衆悉集尔時如來為諸年少衆生說法從十方世界有百千億諸菩薩衆各以自神力俱來集會尔時藥上菩提薩埵白佛言世尊從十方國有無量菩薩俱來集會無量天龍夜叉捷闍婆阿修羅迦樓羅餓鬼地獄皆來集會欲聞正法唯願世尊當為說之佛告藥上菩提薩埵摩訶薩埵言善男子汝下至此

僧伽吒經卷第三 第三法 但

余時藥上菩提薩埵以自神力從上而下向佛合掌頂礼佛足自佛言世尊法聚法聚者何因緣故名爲法聚佛告藥上善男子法聚者名曰淨行淨行者能離一切不善之法善男子汝見如此少衆生不藥上白佛唯然已見佛告藥上此諸衆生離邪淫故必得諸陀羅尼必得具足一切諸法

僧伽吒經卷第三

壬寅歲高麗國大藏都監奉勅雕造

僧伽吒經卷第三 第十五 住

僧伽吒經卷第四

使

元魏優婆塞國三月漢晉郡譯

余時藥上菩提薩埵摩訶薩埵白佛言世尊以何方便令諸衆生悉聞正法佛告藥上菩提薩埵摩訶薩埵言善男子有諸衆生我説生苦而不聽受老苦病苦憂悲之苦怨憎會苦愛別離苦死滅之苦藥上是名一切苦時少衆生聞此法已合掌礼佛白佛言世尊我等亦有死耶佛告年少等汝一切衆生亦歸於死彼少衆生白佛言世尊云何死至佛言善男子臨死之時滅行識風起識轉風起識相應風起善男子是三種風臨死之時動於行識彼少衆生白佛言世尊何等三法臨死之時惱於身識佛言善男子一者刀惱二者針惱三者杖惱是三種風惱切其身彼少衆生白佛言世尊何者是身佛言善男子身名火聚身名燒然身名惡癩身名崩壞身名刺聚身名丘冢身名水泡身名重擔身名生惱身名老病苦惱身名

為死愛別離怨憎會是名為身彼諸年少復白佛言世尊如此之身云何名死云何名生佛言善男子識滅名死福德因緣識起名生善男子名為身者有無量億筋脉相纏身有八万四千毛孔復有八万四千尸虫在中而住彼諸虫等亦有死滅人將死時諸虫怖畏互相噉食受諸苦痛男女眷屬生大悲惱迷相食取諸虫相食唯有二至七日聞諍過七日已一生命盡一虫猶存如彼虫聞臨死不息凡夫之人亦復如是乃至臨終諍論不息不畏生苦不畏老苦不畏病苦不畏死苦如彼二至死至死不息凡夫衆生亦復如是死至之時賢聖呵言丈夫汝作不善汝豈不見世間苦耶不見生苦不見病苦不見老苦不見死苦若言如是已見生苦病苦老苦死苦汝若見如是苦何不修諸善根何故不為後世樂故修諸善法丈夫我復問汝何不修善離於生苦老苦病苦及以死苦云何不修正念之觀汝於問浮提豈可不聞捷推聲耶不

見衆生行布施耶不見衆生於佛福田種善根子香華幡蓋施佛之時汝不見耶如來所有四衆弟子比丘比丘尼優婆塞優婆夷於佛法中有此四衆能救苦厄賢聖呵言不善丈夫造作如是不善之業余時法王說偈告曰

見如來出世聞擊法鼓音見演說法時寂滅至涅槃見於多衆生作福者甚少福能後世樂何故而不作余時彼人以偈答法王言

我愚癡無智親近惡知識造作不善業由欲達於心我以多習欲今受苦痛報多無害衆生破壞和合僧破壞佛塔寺愚癡無智慧口作不善語呵罵於父母我以不覺知自多造衆過我見所生處在於大叫獄於衆合地獄受於大苦痛復於阿鼻獄受無量劇苦大蓮華地獄受於無量苦黑繩大地獄百千生受苦於一切地獄遍受諸苦惱無數百千劫受於大苦痛行於黑暗獄不見其門戶復墮火鐵中展轉受衆苦復有一地獄名曰刀劍獄百千億刀劍行列在我前

佛地經卷第四 第三張 使

以此割截身自業受苦惱非工師所作業感自然生大風吹令起剗切遍其身我應受如是地獄諸苦惱一切諸衆生見我受此苦我所有財寶盡留在世間男女及兄弟姊妹親眷屬父母及知識奴婢作使人牛羊諸畜生我意迷於此貪著金銀寶及精妙衣服貪著造舍宅善工畫舍師衆姝女娛樂等種種音以此癡心者香湯自澡浴如是自娛樂煩癡無智身種種而供養我亦無兄弟虛妄心貪著今日受無量苦痛不可盡世間勝上味貪著而欲食香澤以塗頭實珠以為身貪色自迷醉今無救濟者眼為惡業因見已則生貪耳因諸音聲聞已則生貪臂貫以寶劍指者金寶銀咽頭者寶瓔脚著於金釧作金寶羅網交露覆其身身著種種寶以此自莊嚴世間第一者以為身莊嚴細軟上妙觸增長於愛欲種種妙牀榻以自悅其身種種好妙香以塗其自身栴檀龍腦香以此自塗身麝香等諸香用之自塗身瞻蔔須摩那以此塗其髮第一精妙衣白氎白衣身若捨白為棄復棄於馬來

佛地經卷第四 第四張 使

為王治國政人衆志敬重宮中諸妃后善學歌舞戲禽獸在曠野無事獵殘害作如是等惡不知後世報食飲他肉故受如是苦報愚癡無智慧不知當有死我以愚癡意養育於身命今日至死門無能救濟者汝等諸親族何用視我為何不服勝衣何故自憂失何故不挽致而受於苦惱我命終不存造惡增多故狐狼鳥鵲等食我此身肉長養此身體為諸王所食生死因此身衆生則有生應如是投藥令得離此難世醫不能治無人救濟者今日投法藥令滅煩惱病種種養此身會必歸於死世間無上尊救度諸衆生寂滅諸佛子亦能救衆生施諸妙法藥令遠離生死食肉長此身不知諸苦報長養於此身無有少利益此身煩癡衆不知少思分妻妾男女等不知其愚力長養得成立無能救濟者絕望無有知憂愁入死地衆生有苦後則有死苦想行觸受等是則為中苦愚癡愛所縛生在於諸有為愛欲所縛樂著於境界衆生无知故唯有憂惱苦善法不識知心但著名字不知於後世

佛地經卷第四 第五張 使

猶如惡毒蛇無明轉衆生速難於解脫
不識解脫故惡業所流轉心有煩惱故
衆生住生死煩惱燒衆善如火焚乾木
流轉於五道無有少樂受不知好妙樂
在於何處所清淨佛國土世尊轉法輪
如來淨音聲說戒定智慧

今時世尊復告衆上菩提薩埵摩訶
薩埵言如是如是惡行衆生生命終之
後受諸苦惱無救濟者善果報者今
說加他

造惡不善業必入於地獄吞取熱鐵丸
飲於沸融銅雨火灑其身遍身體火燒
無處而不過展轉受苦惱不知於淨樂
於法亦不知惡癡作非法遠離於樂果
信佛禁戒法修習於智慧以淨戒具足
速疾成菩提精進為第一生淨佛國土
宣說善法要攝護諸衆生具足慈悲心
修行淨梵行具解脫知見成如來善名
世間之父母菩提心第一說此法門者
第一善知識聽此法門者必作無上尊
具世尊十號寂滅心相應

今時衆上菩提薩埵摩訶薩埵白佛
言世尊何因緣故大地震動今時世

佛如來變身 第四 第七 使

尊告衆上菩提薩埵言汝觀何故大
地震動今時衆上觀四方時見下方
界有二十億衆生從地踊出見上方
界二萬五千億衆生同時而生時諸
年少見是事已白佛言世尊今出生
者是何等人佛言汝等見此大衆不
耶白佛言世尊唯然已見佛言此衆
生出為汝徒伴問言世尊此諸衆生
亦有死不佛告年少一切衆生悉皆
有死此亦不免時諸年少合掌向佛
頂禮佛足而白佛言世尊我等更不能
忍流轉生死佛告年少汝等能起大
精進不年少白佛言世尊我等面見
如來耳聞如來說甘露法見菩提薩
埵現大神力見佛弟子諸聲聞衆集
會於此世尊願修精進不能忍受生
死流轉今時衆上菩提薩埵及五百
眷屬以神通力踊身虛空身出師子
猛虎白爲現大神通於高山頂結加
趺坐滿二萬由旬化作十千億日月
時諸年少白佛言世尊何故世間言
此光明今時世尊告諸年少善男
汝等見此日月不耶時諸年少白佛

佛如來變身 第四 第七 使

言世尊唯然已見佛告年少此是菩
提薩埵自身光明現作日月示於衆
生為之說法安樂利益一切天人
中修行得此神通時諸年少白佛言
世尊願說如此光明因緣今時世尊
告衆上菩提薩埵摩訶薩埵言善男
子汝見此三千大千世界六種震動
不時衆上菩提薩埵白佛言世尊唯
然已見我有少疑欲問如來願佛聽
許佛告衆上菩提薩埵言善男子隨
汝意問當為汝說今汝歡喜過去未
來現在三世之事當為汝說衆上白
佛言世尊我見如來有八萬四千天
子圍繞恭敬復有八萬四千菩薩亦
圍繞恭敬又見萬二千億諸龍圍繞
恭敬復有萬八千億天神等圍繞恭
敬復有二萬五千億諸餓鬼圍繞世
尊何因緣故有此衆集今時世尊告
衆上菩提薩埵摩訶薩埵言善男子
在此衆集為欲聽法衆上此諸衆生
今當背生死今日當得住於十地住
十地已得離煩惱得寂滅佛法衆上
菩提薩埵白佛言世尊此諸衆生難

佛如來變身 第四 第八 使

業所生如來云何淨此衆生佛告樂
上菩提薩埵言善男子汝今諦聽當
為汝說樂上此諸衆生愚癡無智不
知解脫在於何處多有年少諸衆生
等今日當得法脫羅刹得知一切法
得於十地至十地已能作佛事能轉
法輪雨於法雨紹無上佛法安樂衆
生天龍阿修羅健闍婆餓鬼等聞法
歡喜皆住十地擊大法鼓吹大法螺
此年少等勤修行故得此十地今所
得法如十方佛

亦時五千年少衆生從座而起白佛
言世尊此身為重擔大可怖畏不知
道以非道我等猶如盲冥之人願佛
憐愍我等勸請世尊願佛說法我等
生無智慧不知法樂願世尊為我等
說法令得速離生死之苦所生之處
願見佛身亦時樂上菩提薩埵摩訶
薩埵語諸年少衆生言汝等食已然
後為汝演說正法時諸年少語樂上
言我不識汝汝為是誰色相寂滅離
三惡道怖如汝身相離諸惡法見汝
掌中七寶莊嚴身服寶璣以功德聚

僧伽吒經卷第四 第六誡 佛

我不知汝是何等人我等不須食亦
不須飲以食入身甚可憎惡變成屎
屎作血肉筋皮是故我等不須食飲
不須一切細軟衣服不須醉印金釧
真珠瓔珞莊嚴身具皆所不欲以無
常故我等亦不願惜身命為離惡道
我等求於法施為安樂天人為求善
知識不求轉輪聖王以轉輪王雖主
四方不免磨滅男女妻子不能隨從
所有七寶亦不運去無量人衆亦不
隨去於四天下無復自在一身為王
多見無常作惡業故墮叫喚地獄七
寶自在遊四天下竟何所在仁者且聽
我等所說速至佛所佛觀一切愍之如
子我等無父無母無兄弟親族一切
皆無佛為我父如來是母佛如日月
示人善道於生死中能救衆生令不
復生諸煩惱河甚可怖畏衆生在中
煩惱漂溺如來救之令不復入世尊
憐愍為說正法示人無上菩提之處
我等不貪飲食不欲世間富貴不願
生天不畏墮惡道得人身已願見世
尊衆生短壽流轉無常以惡業故貪

僧伽吒經卷第四 第十誡 佛

著五欲不覺死至知死必至亦不怖
畏不念生滅不知細法不修細業不
知寂滅界無明覆心生已歸死死已
復生心亦不生厭離之想長夜受苦
鞭撻撻打不生厭離但起劫奪受獄
縛苦五縛所繫本惡業故命識欲滅
悲泣而言誰救濟我一切惡典金銀
雜寶身為奴僕一切作使我志能為
王位自在我志不欲不須財物但求
活命如是仁者我等不須飲食諸王
自在食則上味會歸於死天食甘露
亦歸磨滅種種百味王所貪者末實
則無飲食等味我等不須我等求開
正法今得離苦願離愛縛諸煩惱
歸依世尊願離諸縛我等敬礼大仙
世尊為諸衆生未知仁者名字何等
願自說之樂上菩提薩埵言世界廣
博衆生名字寧可盡知諸年少言我
等願知仁者名字甚深名字願為宣
說樂上答言我名樂上治衆生病藥
中寂上我今為汝等說今離諸病滅
除一切世界痛苦世間貪為大病能
除滅之瞋為大病無智衆生流轉也

僧伽吒經卷第四 第十二誡 佛

獄畜生餓鬼癡為大病衆生受苦皆能滅除諸年少言聞此妙法離諸苦難凡夫無智受諸苦惱聞此淨法離諸惡業離惡業故无惡道畏速見如來救一切病醫王施藥療治衆苦仁者速去礼敬如來以我等語向世尊說世尊能除我等之病滅煩惱火欲火燒身不能滅除我等極苦願佛憐愍身為重擔甚可怖畏三毒所壓不可得勝去來常擔不能速離不知死至不生驚怖不知解脫道亦不知亦解脫者以愚癡意自謂不死見父母死猶不生怖諸業煩惱濁亂其心受諸苦惱去何而食我等無明覆心有如是苦大怖重擔想行及受癡愛無智流轉諸有世間妄生不識解脫世人愚癡浴以香湯衣以上服食以上味耳聽樂音種種自娛種種好色樂欲觀之一切好味舌求食食細軟之觸身欲著之二身和合癡心謂樂此身煩癡何處有樂者好履屣衣服飲食無如之何臨終困至無有能救自不能救衣服之具豈能救濟生在世

僧伽地經卷第四 第十二品 依

間馳諸為馬常作惡業不求解脫自作教人不知後報我等前死有生今生有死受悲苦惱我具見父母兄弟姊妹妻子喪亡悲哀憂愁苦惱皆悉見之諸行皆空智者云何而生樂者不求寂滅法不求離生死法以貪覆心生在世時不行布施一切過中無過貪心著於世法多作有行不知修習禪定解脫之道不知發大誓願成無上道佛是父母佛是示解脫道者能雨利益衆生愚癡衆生不知護法發心願求無上菩提名為護法一切行空財物亦空若觀我空不復受生願仁者憐愍以我等語具向佛說為諸菩提薩埵故諸善法不應懈怠勤修精進捨惡行善仁者為我往至佛所礼敬如來作如是言世尊知一切法悉無有疑惡魔眷屬佛已調伏如來已能然大法炬令衆得樂如是之法能成佛者我等未聞仁者速往佛所為我等故我等不見如來猶未得度三十二相八十種好見此身已然後得度今時樂上菩提薩埵語諸

僧伽地經卷第四 第十二品 依

年少汝觀上方有何等相諸人聞已觀上方見五百化佛又見三千大臺七寶嚴飾七寶羅網以覆其上如道華葉出種種香時諸衆生問樂上言此諸華座是何等相樂上答言此是汝座速至佛所礼敬如來諸年少言我等不知所行之路不見如來知詣何方礼敬如來樂上告言汝但礼敬如來世尊如虛空塵無有住處如來亦如是如來安住處如須彌山如來等須彌山如大海水三千世界微塵數等十方菩提薩埵欲求佛住不知所在十方諸菩提薩埵但遇礼敬諸年少言願仁慈恩滿我所願心欲見佛親近礼敬樂上告言如來不求香華為衆生作因令離生死惡魔眷屬不共諍論歸依佛者不入死門速得法陀羅尼發淨心願即得見佛今時世尊以加陵頻伽音熙然微笑從其面門放八萬四千光明遍照三千大千世界下至十八地獄上至阿迦尼吒天其光雜色青黃赤白頗梨等色如是等光從面門出遍照三千大千世界

僧伽地經卷第四 第十二品 依

過斯光者一切衆生皆得安樂照世
界已還至佛所繞佛七匝從佛頂入
合時藥上菩提薩埵從座而起合掌
向佛白言世尊我欲少問若佛聽者乃
敢發言今時世尊告藥上言善男子
隨汝所問如來為汝分別解說令汝
歡喜藥上白佛言世尊此三萬億年
少欲聽如來微妙深法願為說之佛
告藥上善男子若聞如來深妙法者
當覺諸法得具足一切功德日即得
住於十地能擊大法鼓建大法幢藥
上汝見如是大臺不耶藥上言世尊
唯然已見

佛告藥上此諸年少今日得坐此臺
證一切法滿足一切善根之法今日
當得擊大法鼓無量天人得聞法已
悉得利益無量地獄衆生得聞法已
得肯惡道說此語時衆中九千億老
衆生得須陀洹果藥上聞此法者得
離一切苦具一切善法藥上一切皆
能成就佛身藥上汝觀四方諸大菩
提薩埵今時藥上即觀四方見東方
界五十億恒伽河沙菩提薩埵而來向

僧伽吒經卷第四 第十三張使

此見南方界六十億恒伽河沙菩提薩
埵而來向此見西方界七十億恒伽
沙菩提薩埵而來向此見北方界八
十億恒伽沙菩提薩埵而來向此見
下方界九十億恒伽沙菩提薩埵而
來向此見上方界百億恒伽沙菩提
薩埵而來向此到已皆於佛前在一
面住藥上白佛言世尊於虛空中見
黑色黃色是何等相佛告藥上汝不
知耶藥上白佛唯佛如來能一切知
佛告藥上此是惡魔及諸眷屬欲來至
此藥上汝欲見不藥上白佛言世尊
我欲見之佛令藥上即見惡魔藥上
見已白佛言世尊何因緣故惡魔至
此佛告藥上魔欲亂此法座藥上白
佛言世尊此諸菩提薩埵為觀諸年
少受位故來藥上汝見此諸菩提薩
埵種種形色種種相貌種種力不藥上白
佛言世尊唯然我見百千億恒伽沙
菩提薩埵自在神通而來至此今時
世尊說此法已一切勇菩薩藥上菩
薩一切老少衆生一切天人世間阿
修羅捷闍婆聞佛所說皆大歡喜

僧伽吒經卷第四 第十六張使

僧伽吒經卷第四

壬寅歲高麗國大藏都監奉
勅雕造

僧伽吒經卷第四 第十七張使